

**Uunga siunnersuut: 2023-mut aningaasanut inatsisissamut siunnersuutip, 2023-mut nuna tamakkerlugu akileraarutip aamma nuna tamakkerlugu immikkut akileraarutip akuersissutiginnissaanut killigitat sivitsorneqarnerat pillugit Inatsisartut inatsisaat nr. xx, xxx 2022-meersoq.**

(Aningaasaqarnermut Naligiissitaanermullu Naalackersuisoq)

### **Saqqummiussissut**

(Aningaasaqarnermut Naligiissitaanermullu Naalackersuisoq)

### **Siullermeerneqarnera**

Aningaasaqarnermut Akileraartarnermullu Ataatsimiititaliap qinnuiginnissimavoq aningaasanut inatsisissamut siunnersuutip aappassaaneerpeqarnissaa pingajussaaneerpeqarnissaalu kinguartinneqassasoq. Inatsisartut aningaasanut inatsisissatut siunnersuummik piffissaqarluarnerulluni suliaqarnissaa qulakkeerniarlugu, Inatsisartut Aningaasaqarnermut Akileraartarnermullu Ataatsimiititaliaat isumaqatigiissuteqarfigineqarpoq, Naalackersuisut 2023-mut Aningaasanut inatsisip akuerineqarnissaanut killigitat kinguartinneqarnissaat pillugu siunnersuummik saqqummiussissasut.

Siunnersuummi taamaalilluni aningaasanut inatsisip isumaqatiginninniutigineqarnerata naammassinissaanut aammalu Aningaasaqarnermut Akileraartarnermullu Ataatsimiititaliami aningaasanut inatsisissap sukumiisumik suliarineqarnissaanut pisariaqartumik piffissaqarnissaa qulakkeerpeqassaaq.

Inatsisartut Naalackersuisullu pillugit Inatsisartut inatsisaanni, ukiumut tulliuttumut aningaasanut inatsisissaaq kingusinnerpaamik 15. november akuersissutigineqartassasoq allassimavoq. Aammattaaq Akileraartarnermut inatsimmi allassimavoq nuna tamakkerlugu akileraarutip aamma nuna tamakkerlugu immikkut akileraarutip procentii kingusinnerpaamik 15. november annertussusilerneqartassasut. Ukiuni aggersuni akileraarutip procentii Aningaasanut inatsimmi aalajangersarneqassapput.

Inatsisissatut siunnersuutikkut siunertarineqarpoq, 2023-mut aningaasanut inatsisip akuerineqarnissaanut killigitat 2022-mi ulloq novembarip 25-anut sivitsorneqassasoq. Tamatuma saniatigut nuna tamakkerlugu akileraarutip aamma nuna tamakkerlugu immikkut akileraarutip aalajangiunnissaanut killigitataq 2022-mi ulloq novembarip 25-anut aammattaaq kinguartinneqarpoq.

Inatsisissatut siunnersuut ukiup naanerani atorunnaassaaq, tassalu taamaallaat 2022-mi atuutissalluni.

Ukioq manna ukiut arfineq pingasunngorput aningaasanut inatsisissamut siunnersuummut killigititaasoq sivitsorneqartarneranik. Killigititaasumik sivitsuisarneq assigiinngitsunik patsiseqarpoq, ilaatigut minnerunngitsumik patsisaasinnaavoq inatsisartuni ataatsimiinnerit ukiut qulit siornatigut sanilliukkaanni maanna ataatsimiinnerit sivisunerusalermata.

Naalakkersuisut tungaanniit Inatsisartut Siulittaasoqarfiat kajumissaarusuppara, isumaliutigeqqullugu piffissanngunnginnersoq aningaasanut inatsisissap akuersissutigineqarnissaanut killigititaasoq Inatsisartut aamma Naalakkersuisut pillugit inatsimmi nuutsinneqassannginnersoq assersuutigalugu 1. decembarimut. Aningaasanut inatsit 1. decembarip kingorna akuersissutigeqqunanngilaq, tamannami kommunit siumoortumik missingersuusiornerat, aamma akileraartarnermut allattoqarfiup akileraartarnermut allagartat ukiumut nutaamut piareernissaanik ajornartorsiortitsilersinnaammat.

Naalakkersuisut matumuuna siunnersuut Inatsisartunut suliassanngortippaat.